



Kamis, 07 Nopember 2024
Ogen: Maleakhi 2:16-17



Tetap Setia



Kata setia, asal katana arah bahasa Sansekerta si ertina kebenaren ntah pe jujur. I bas konteks linguistik Melayu-Indonesia, makna enda berkembang jadi sikap konsisten i bas ncikep perpadanen. I bas bahasa Yunani, kata setia e me *pistis*, si umumna iterjemahkan iman ntah pe kepercayaan yang tak tergoyahkan, serta sikap yang taat dan patuh kepada komitmen. I bas bahasa Ibrani, setia igambarkan alu kata *emunah* si ertina menopang atau stabil si nggambarkan keteguhan, ketetapan dalam hubungan baik dengan Tuhan maupun sesama. I bas kiniteken man Tuhan, setia labo terjeng ncikep padan ntah komitmen ngenca, tapi setia e me cerminen arah sifat Tuhan ras hubungenta ras Ia. I bas kitab Maleakhi enda, Tuhan nehken persinget man bangsaNa khususna kerna perjabun ras kesetiaan. Ayat enda nuduhkan uga hubungan manusia sada ras sidebanna, khususna i bas perjabun erkawiten ras hubungan ras Tuhan. I bas ayat enda Tuhan mpersingeti bangsaNa erkiteken ia lanai setia nandangi ndeharana. Tuhan ngidah uga pentingna njaga iketen perpadanen i bas perjabun. Perjabun labo terjeng kontrak sosial, tapi perpadanen rohani iadepen Tuhan. Kesetiaan i bas perjabun e me perwujudan arah kesetiaanta man Tuhan. Adi la kita setia man pasangen si iidah kita tep-tep wari, uga ninta setia man Tuhan si la iidah kita?

Itegasken Tuhan pe man bangsaNa maka IA me saksi i bas teptep perpadanen perjabun. I bas ayat enda, ikataken maka Tuhan si naksikensa uga bangsaNa ngelakoken siugapana pe man ndeharana subuk mehuli ntahpe kejam. Emaka arusna kita pe metenget i bas sikap ras perbahanen kita nandangi pasangenta sabap kita ertanggung jabap iadepen Tuhan.